

Na osnovu odredaba Zakona o veterinarstvu u Bosni i Hercegovini ("Službeni glasnik BiH", broj 34/02), člana 27. st. 2. i 3. i člana 30. stav 2. Odluke o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03, 14/04 i 35/05), a u vezi sa članom 118. stav 1. tačka 2. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

PRAVILNIK

O VISINI NAKNADE I NAČINU RASPODJELE SREDSTAVA ZA OBAVLJENE VETERINARSKOZDRAVSTVENE PREGLEDE I KONTROLU NA TERITORIJI FEDERACIJE BOSNE I HERCEGOVINE

I-OPĆEODREDBE

Član 1.

Ovim pravilnikom određuju se visine naknada za obavezne veterinarsko-zdravstvene preglede i kontrolu na teritoriji Federacije Bosne i Hercegovine, način njihovog obračunavanja, te način prikupljanja i plaćanja naknada, način raspodjele i namjena sredstva, postupanje veterinarskog inspektora i veterinarske organizacije koja je određena za vršenje ovih poslova u registrovanom objektu i vlasnika ili korisnika objekta, štampanje i distribucija propisanih obrazaca i nadzor nad primjenom ovog pravilnika.

Član 2.

Za potrebe ovog Pravilnika pojedini izrazi imaju sljedeće značenje:

- veterinarsko-zdravstveni pregled i kontrola životinja za klanje: podrazumijeva pregled životinja po prispjeću u depo klaonice, pregled životinja prije klanja, na liniji klanja i nakon klanja uključujući rasijecanje trupa zaklane životinje za otpremu iz objekta, pregled prijevoznog sredstva, pregled propisane dokumentacije, vođenje propisanih evidencija, te izdavanje, ovjeru i evidentiranje propisane dokumentacije;
- veterinarsko-zdravstveni pregled i kontrola prerade mesa i mlijeka: podrazumijeva pregled prispjeća sirovina životinjskog porijekla u odobreni objekat, pregled prijevoznog sredstva kojim se dopremaju sirovine i otpremaju gotovi proizvodi, nadzor nad primjenom aditiva i začina u proizvodnji, nadzor higijenskih uslova tehnološkog procesa, nadzor skladištenja i otpreme gotovih proizvoda i konfiskata, vođenje propisanih evidencija, te izdavanje, ovjeru i evidentiranje propisane dokumentacije;
- veterinarsko-zdravstveni pregled i kontrola ribe, rakova, školjkaša, puževa, glavonožaca, žaba i ostalih vodenih organizama: podrazumijeva pregled nakon ulova, prilikom prispjeća u istovarnu luku na mjesto utovara, pregled prije i nakon izlova u uzgajalištu, pretovara ili istovara, skladištenja, u vrijeme čišćenja ili proizvodnje proizvoda, pregled prijevoznog sredstva, vođenje propisanih evidencija, izdavanje, ovjeru i evidentiranje propisane dokumentacije;
- veterinarsko-zdravstveni pregled i kontrola divljači: podrazumijeva pregled divljači nakon odstrjela, prilikom prispjeća u odobreni objekat za rasijecanje, pregled trupa i organa u odobrenom objektu, vođenje propisane dokumentacije i evidencija te izdavanje i evidentiranje propisane dokumentacije;
- veterinarsko-zdravstveni pregled i kontrola konzumnih jaja i meda: podrazumijeva pregled jaja i meda prilikom otpreme u odobreni objekat, prilikom prispjeća u odobreni objekat te tokom tehnološkog procesa, pregled propisane dokumentacije, vođenje propisanih evidencija, ovjera, izdavanje i evidentiranje propisane dokumentacije;
- veterinarsko-zdravstveni pregled i kontrola proizvoda životinjskog porijekla za ishranu ljudi u objektima za hlađenje, zamrzavanje i skladištenje podrazumijeva: nadzor nad skladištenjem i tehnološkim procesom skladištenja, pregled prijevoznog sredstva kojim se otpremaju proizvodi i sirovine, vođenje propisanih evidencija, te izdavanje, ovjeru i evidentiranje propisane dokumentacije;
- ovlašteni veterinar: je doktor veterinarske medicine sa položenim stručnim ispitom zaposlen u veterinarskoj organizaciji koju je za ove poslove u registrovanom objektu odredilo kantonalno ministarstvo nadležno za poslove veterinarstva (u daljnjem tekstu: kantonalno ministarstvo);
- redovno radno vrijeme objekta: podrazumijeva radno vrijeme odobrenog objekta u kojem se obavljaju radni i proizvodni procesi koji moraju biti pod kontrolom ovlaštenog veterinara ili nadležnog veterinarskog inspektora, organizovano kao rad u jednoj smjeni u trajanju od 8 sati ili kao rad u više smjena ukoliko je tehnološki u objektu uspostavljen rad u više smjena, koje korisnik objekta mora službeno prijaviti nadležnoj ovlaštenoj veterinarskoj organizaciji ili nadležnom veterinarskom inspektoratu;
- pregled u objektu po pozivu: podrazumijeva propisani pregled i kontrolu u odobrenom objektu manjeg kapaciteta ili u objektu u kojem se proizvodnja obavlja neredovno ili je specifična tehnologija proizvodnje, najavljen najmanje 24 sata prije očekivanog radnog procesa;
- rad izvan radnog vremena: podrazumijeva rad ovlaštenog veterinara ili nadležnog veterinarskog inspektora

"Službene novine FBiH", broj: 51/11,55/12

u odobrenom objektu koji je pod stalnim nadzorom, duže od 8 sati tokom jednog dana, a koji nema uspostavljen rad u smjenama, i to kao dnevni rad uvremenu od 6 do 22 sati ili kao noćni rad uvremenu od 22 do 6 sati, bez obzira na eventualne ostale poslove ovlaštenog veterinara unutar veterinarske organizacije;

- obračun i nalog za plaćanje naknade za obavljene veterinarsko-zdravstvene preglede i kontrolu: je službeni obrazac za naplatu propisanih veterinarsko-zdravstvenih pregleda i kontrola, koji izdaje nadležni organ za inspeksijske poslove kantona i popunjava ga nadležni veterinarski inspektor na obrascu broj 1. koji se nalazi u prilogu ovog pravilnika i čini njegov sastavni dio;
- račun-priznanica: službeni obrazac za naplatu propisanih veterinarsko-zdravstvenih pregleda i kontrole obilježen serijskim brojem, koji izdaje i distribuira štamparija ovlaštena od Federalnog ministarstva poljoprivrede, vodoprivrede i šumarstva (u daljnjem tekstu: Federalno ministarstvo), a popunjava je ovlašteni veterinar na obrascu broj 2. koji se nalazi u prilogu ovog pravilnika i čini njegov sastavni dio;
- obrtnička -zanatski objekat: objekat u kojem se zakolje do 10 životinja dnevno odnosno do 1000 komada peradi na sat ili se zaprimi sirovog mlijeka do 1000 litara dnevno.
- težina pošiljke: podrazumijeva neto težinu utovarene pošiljke nezavisno o nosivosti prijevoznog sredstva;
- pošiljka: podrazumijeva životinje, proizvode životinjskog porijekla i otpad životinjskog porijekla, koji se otpremaju jednim prijevoznim sredstvom, nezavisno o broju pošiljalaca ili primalaca;
- denčana pošiljka: podrazumijeva životinje i proizvode životinjskog porijekla koje se u komadima (kutijama, kašetama, kantama, koletama, kavezima, PVC vrećama i dr.) otpremaju jednim prijevoznim sredstvom;
- registrovani objekat: podrazumijeva objekat upisan u registar odobrenih objekata u nadležnom ministarstvu.

II -VISINE NAKNADA

Član 3.

Naknade se plaćaju za izvršene veterinarsko-zdravstvene preglede i kontrole propisane:

- Zakonom o veterinarstvu u BiH ("Službeni glasnik BiH", broj 34/02);
- Odlukom o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog porijekla ("Službeni glasnik BiH", broj 82/06).
- Zakonom o veterinarstvu ("Službene novine Federacije BiH", broj 46/00).

Član 4.

Za veterinarsko-zdravstvene preglede utvrđene ovim pravilnikom, koji se obavljaju izvan radnog vremena plaća se naknada povećana za 30%. Pored naknada propisanih ovim pravilnikom kada preglede i kontrolu u registrovanom objektu vrši veterinarska organizacija naplaćuju se i troškovi prijevoza od sjedišta veterinarske organizacije do mjesta obavljanja propisanog pregleda prema važećem cijenovniku veterinarske organizacije.

Član 5.

Za veterinarsko-zdravstvene preglede i kontrolu životinja za klanje plaća se naknada za:

1.	-goveda do uključujući 250 kg žive težine	4,00	KM
	-goveda iznad 250 kg žive težine	8,00	KM
2.	-konj, mazga, mula ili magarac	8,00	KM
3.	-svinje	4,00	KM
	-prasadi	3,00	KM
4.	-ovce ili koze do uključujući 18 kg žive težine	2,00	KM
	-ovce ili koze iznad 18 kg žive težine	2,50	KM
5.	-perad (ako se dnevno kolje do 2000 komada)	0,04	KM
	-perad (ako se dnevno kolje od 2001 do uključujući 10 000 komada)	0,03	KM
	-perad (ako se dnevno kolje više od 10 000 do komada)	0,02	KM
	-noj	3,00	KM
6.	-kunić do uključujući 2 kg žive težine	0,02	KM
	-kunić iznad 2 kg do uključujući 5 kg žive težine	0,04	KM
	-kunić iznad 5 kg žive težine	0,10	KM
7.	-divlja perad do uključujući 2 kg žive težine	0,02	KM
	-divlja perad iznad 2 kg do uključujući 5 kg žive težine	0,04	KM
	-divlja perad iznad 5 kg žive težine	0,10	KM
8.	-divlja svinja do uključujući 25 kg žive težine	5,00	KM
	-divlja svinja iznad 25 kg žive težine	8,00	KM
9.	-divlji papkari do uključujući 12 kg žive težine	5,00	KM
	-divlji papkari iznad 12 kg do uključujući 18 kg žive težine	6,00	KM
	-divlji papkari iznad 18 kg žive težine	8,00	KM

"Službene novine FBiH", broj: 51/11,55/12

Registrovani objekat za klanje životinja naknadu iz stava 1. ovog člana plaća za svaku životinju.

U naknadu iz stava 1. tač. 1., 2., 3., 8. i 9. ovog člana uključeno je rasijecanje trupa do šest osnovnih dijelova.

U klaonicama manjeg kapaciteta (obrtničke-zanatske klaonice) se plaća naknada u visini 25,00 KM za prvu životinju, a za svaku narednu plaća se naknada propisana u stavu 1. ovog člana.

U klaonicama za klanje kopitara i svinja manjeg kapaciteta (obrtničke-zanatske klaonice) se plaća dodatna naknada po životinji za pregled na ličinke trihinele u visini od 5,00 KM.

Član 6.

Za veterinarsko-zdravstvene preglede i kontrolu u klaonicama se plaća naknada za izdavanje, ovjeru i evidentiranje propisane dokumentacije prilikom utovara sirove kože, krzna, vune i dlake životinja kao i otpadne animalne tvari i to:

1.	sirova koža, krzno, vuna i dlaka životinja po kg	0,005	KM
2.	jestivi i nejestivi nusproizvodi klanja po kg	0,003	KM

Član 7.

Za veterinarsko-zdravstveni pregled rasijecanja trupa zaklane životinje na manje dijelove od osnovnih dijelova koji se obavlja u objektu za rasijecanje mesa se plaća naknada u visini od 6,00 KM za svaku započetu tonu zaprimljenog mesa. Na mjestima gdje se obavlja rasijecanje trupa na manje dijelove od osnovnih dijelova u objektu koji ima isti veterinarski kontrolni broj kao i klaonica plaća se naknada u visini od 3,00 KM za svaku započetu tonu mesa. U objektima za rasijecanje mesa manjeg kapaciteta (obrtničke-zanatske rasjekaone) se plaća naknada za veterinarsko-zdravstveni nadzor u visini od 15,00 KM za prvu tonu mesa u sedmici i naknada iz stava 1. ovog člana za svaku sljedeću započetu tonu u sedmici. Gdje je rasjekaona manjeg kapaciteta u sklopu klaonice, plaća se naknada za veterinarsko-zdravstveni pregled u visini od 10,00 KM za prvu tonu mesa u sedmici i naknada iz stava 1. ovog člana za svaku sljedeću započetu tonu u sedmici. Odredbe st. 1., 2., 3. i 4. ovog člana se ne odnose na maloprodajne objekte.

Član 8.

Za veterinarsko-zdravstveni pregled i kontrolu prerade mesa u objektima, gdje se meso obrađuje, prerađuje i dorađuje plaća se dnevno naknada po toni proizvoda u visini:

	do 3 tone	10,00	KM
2.	od 3 do 10 tona	8,00	KM
3.	od 10 do 15 tona	6,00	KM
4.	za svaku započetu tonu iznad 15 tona	4,00	KM

Član 9.

Za veterinarsko-zdravstveni pregled i kontrolu prerade mesa u objektima manjeg kapaciteta (obrtnički-zanatski objekti) gdje se meso obrađuje, prerađuje ili dorađuje plaća se mjesečno naknada u visini:

1.	do 5 tona	125,00	KM
2.	od 5 do 10 tona	175,00	KM
3.	za svaku započetu tonu iznad 10 tona	15,00	KM

Član 10.

Za veterinarsko-zdravstveni pregled i kontrolu namirnica životinjskog porijekla na mjestu proizvodnje plaća se dnevno naknada za:

1.	Jaja:		
	a) do 1.000 kg	10,00	KM
	b) od 1.001 kg do 1.500 kg	15,00	KM
	c) od 1.501 kg do 3.000 kg	20,00	KM
	d) iznad 3.000 kg do 10.000 kg	30,00	KM
	e) za svaki započeti kg iznad 10.000 kg	0,005	KM
2.	Proizvodi od jaja po kg	0,05	KM
3.	Proizvodi od mlijeka (sladoled) po toni:		
	a) do 3 t	10,00	KM
	b) preko 3 t	6,00	KM

"Službene novine FBiH", broj: 51/11,55/12

4.	Puževi, žabe i mekušci po kg	0,05	KM
5.	Sirovo mlijeko		
	a) od 10 do 25 t	12,00	KM
	b) od 5 do 10 t	10,00	KM
	c) od 2,5 do 5 t	7,00	KM
	d) do 2,5 t	5,00	KM
6.	Med i proizvodi od meda po kg	0,50	KM

Član 11.

Za veterinarsko-zdravstveni pregled i kontrolu u objektima za obradu i preradu mlijeka plaća se naknada po litri zaprimljenog sirovog mlijeka u toku dana i to:

1.	do 10.000 litara	0,004	KM
2.	od 10.000 do 50.000 litara	0,0015	KM
3.	Preko 50.000 litara	0,0009	KM

U objektima iz stava 1. ovog člana manjeg kapaciteta (obrtničko-zanatski objekti) se plaća naknada u visini 10,00 KM za prvu zaprimljenu količinu mlijeka u sedmici, a za svaku narednu naknada propisana u stavu 1. ovog člana.

Član 12.

Za veterinarsko-zdravstveni pregled odstrijeljene divljači (pregled organa i mesa) plaća se naknada za:

1	Medvjed	50,00	KM
2	Divlja svinja	20,00	KM
3	Srna	10,00	KM
4	Jelen	16,00	KM
5	Muflon, divokoza	10,00	KM
6	Mala divljač	1,00	KM

Naknada iz stava 1. ovog člana se plaća za svaki trup odstrijeljene divljači.

Član 13.

Za veterinarsko-zdravstveni pregled i kontrolu u objektima za obradu, preradu ili doradu ribljih proizvoda plaća se mjesečna naknada u visini:

1.	do 1 tone	30,00	KM
2.	od 1 do 2 tone	40,00	KM
3.	od 2 do 5 tona	80,00	KM
4.	za svaku započetu tonu iznad 5 tona	8,00	KM

Član 14.

Za veterinarsko-zdravstveni pregled i kontrolu u objektima koji se bave poslovima prepakiranja i ambalažiranja proizvoda animalnog porijekla plaća se mjesečna naknada u visini:

1.	do 1 tone	30,00	KM
2.	od 1 do 3 tone	40,00	KM
3.	od 3 do 5 tona	80,00	KM
4.	za svaku započetu tonu iznad 5 tona	10,00	KM

Član 15.

Za veterinarsko zdravstveni pregled i kontrolu proizvoda akvakulture plaća se naknada za:

1.	školjke na kg	0,05	KM
2.	svježe plave morske ribe	0,02	KM
3.	svježe morske bijele ribe i slatkovodne ribe (po ulovu ili izlovu), rakova i ulov glavonožaca	0,05	KM

Član 16.

Za veterinarsko-zdravstveni pregled i kontrolu objekata za sakupljanje, konzerviranje, skladištenje i promet sirovom kožom, krznom, vunom i dlakom životinja plaća se naknada u visini:

"Službene novine FBiH", broj: 51/11,55/12

1.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska do 10 t po kg primljene sirovine	0,005	KM
2.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 10 do 50 t po kg primljene sirovine	0,003	KM
3.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 50 -100 t po kg primljene sirovine	0,002	KM
4.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 100 t po kg primljene sirovine	0,0015	KM

Član 17.

Za veterinarsko-zdravstveni pregled i kontrolu u objektima registrovanim za proizvodnju, skladištenje i promet hrane za životinje plaća se mjesečno naknada u visini od 150,00 KM.

Registrovane farme koje za vlastite potrebe proizvode ljekovitu hranu ili miješaju hranu sa dodacima ili premiksima iz skupine antibiotika, kokcidiostatika i pospješilaca rasta, plaćaju naknadu u visini od 240,00 KM godišnje.

Član 18.

Za obavljene veterinarsko-zdravstvene preglede i kontrolu u za prvu zaprimljenu količinu mlijeka u sedmici, a za svaku objektima za hlađenje, zamrzavanje i uskladištenje proizvoda sirovina životinjskog porijekla u unutrašnjem prometu, prema ukupnoj količini otpremljenih pošiljaka, plaća se mjesečna naknada:

1.	Do 10 t	230,00	KM
2.	Od 10 do 25 t	300,00	KM
3.	Od 25 do 50 t	350,00	KM
4.	Preko 50 t	400,00	KM

Član 19.

Za obavljene veterinarsko-zdravstvene preglede i kontrolu pošiljki iz uvoza u objektima za hlađenje, zamrzavanje uskladištenje proizvoda i sirovina životinjskog porijekla, prehrambenih proizvoda, veterinarskih lijekova, medicinskih pomagala, hrane za životinje i otpadaka prilikom istovara plaća se naknada za:

- a) pošiljke mesa, mesa peradi, mesa divljači, proizvoda od mesa, ribe, školjki, rakova, jaja i proizvoda od jaja i ostale proizvode životinjskog porijekla i to:

1.	od 10 do 25 t	60,00	KM
2.	od 5 do 10 t	50,00	KM
3.	od 2,5 do 5 t	40,00	KM
4.	od 1,5 t do 2,5 t	20,00	KM

- b) pošiljke mlijeka i proizvoda od mlijeka i to:

1.	od 10 do 25 t	70,00	KM
2.	od 5 do 10 t	60,00	KM
3.	od 2,5 do 5 t	50,00	KM
4.	do 2,5 t	40,00	KM

- c) pošiljke hrane za životinje, sirovina i aditiva koji služe za proizvodnju hrane za životinje i drugih proizvoda koji služe za ishranu životinja, te pošiljke proizvoda životinjskog porijekla namijenjene industrijskoj upotrebi (koža, krzno, vuna, dlaka, crijeva, čekinje, perje, papci, rogovi, kosti, krv, spužve i drugi proizvodi namijenjeni industrijskoj upotrebi) te otpadaka, plaćaju se naknade u slijedećem iznosu:

1.	od 10 do 25 t	20,00	KM
2.	od 5 do 10 t	15,00	KM
3.	od 2,5 do 5 t	12,00	KM
4.	do 2,5 t	10,00	KM

- d) pošiljke veterinarskih lijekova, medicinska pomagala i sjemena za vještačko osjemenjavanje plaća se naknada po pošiljci 10,00 KM

III -NAČIN RASPODJELE I NAMJENA SREDSTAVA

Član 20.

Kad veterinarsko-zdravstveni pregled i kontrolu obavljaju nadležni kantonalni veterinarski inspektori, naknade iz čl. 5. do 19. ovog pravilnika u iznosu od 80% su prihod budžeta kantona, a 20% prihodi Budžeta Federacije.

Član 21.

Naknade iz čl. 5. do 19. ovog pravilnika uplaćuju se prema odredbama važećeg Pravilnika o načinu naplate javnih prihoda budžeta i vanbudžetskih fondova na teritoriji Federacije Bosne i Hercegovine, a na osnovu obračuna i naloga za plaćanje ispostavljenog od nadležnog veterinarskog inspektora na obrascu broj 1 koji se nalazi u prilogu ovog pravilnika i čini njegov sastavni dio.

Naknade iz čl. 5., 6., 7., 8., 9., 10., 11. i 13. ovog pravilnika umanjuju se za 90% ako je u objektu registrovanom za izvoz uveden sistem HACCP-a ili ISO standardi, a provode se sve mjere njima predviđene.

Član 22.

Kad veterinarsko - zdravstveni pregled i kontrolu obavljaju veterinari iz veterinarskih organizacija naknade iz čl. 5. do 18. ovog pravilnika su prihod veterinarske organizacije koja je izvršila pregled i kontrolu i uplaćuje se na račun veterinarske organizacije.

BRISAN 55/12 Član 23.

Veterinarska organizacija je dužna prikupljena sredstva na osnovu naknada za obavljene veterinarsko-zdravstvene preglede i kontrole uplatiti u skladu sa članom 22. ovog pravilnika do kraja mjeseca za prethodni mjesec.

Član 24.

Prihodi iz čl. 20. ovog pravilnika koji su prihod Budžeta Federacije, namijenjeni su Federalnom ministarstvu radi podmirenja troškova izrade programa iz oblasti javnog veterinarskog zdravstva, edukacije i štampanja potrebnih obrazaca i edukativnog materijala za oblast veterinarstva. Prihodi iz čl. 20. ovog pravilnika koji su prihod budžeta kantona, namijenjeni su 50% za rad službenih veterinara i veterinarskih inspektora i jačanje njihove kadrovske i tehničke opremljenosti, a 50% za mjere zdravstvene zaštite životinja na području kantona.

Član 25.

Sve naknade propisane ovim pravilnikom iskazane su bez poreza na dodanu vrijednost (PDV).

IV -DUŽNOSTI I OBAVEZE VETERINARSKOG INSPEKTORA, OVLAŠTENOG VETERINARA I VLASNIKA ILI KORISNIKA OBJEKTA

Član 26.

U skladu sa odredbama ovog pravilnika, veterinarsko-zdravstveni pregled i kontrolu obavljaju kantonalni veterinarski inspektori i veterinari iz veterinarskih organizacija.

Član 27.

Nadležni veterinarski inspektori su dužni slati mjesečni obračun iznosa naknada za obavljene veterinarsko-zdravstvene preglede i kontrole na obrascu 4. koji se nalazi u prilogu ovog pravilnika i čini njegov sastavni dio, Federalnom ministarstvu kao i:

- kopiju obračuna i naloga za plaćanje na obrascu 1.
- primjerke izdatih potvrda o zdravstvenom stanju pošiljke na koje se obračun i nalog za plaćanje odnosi
- dokaz o uplati sredstava namijenjenih kantonalnom i federalnom Budžetu najkasnije do 10. u mjesecu za protekli mjesec.

Član 28.

Direktor veterinarske organizacije koju je za preglede i kontrolu odredilo kantonalno ministarstvo je dužan Federalnom ministarstvu slati kopiju računa-priznanice zajedno sa mjesečnim obračunom iznosa naknada za obavljene veterinarsko-zdravstvene preglede i kontrole i primjerke izdatih potvrda o zdravstvenom stanju pošiljke na koje se račun priznanica odnosi najkasnije do 10. u mjesecu za protekli mjesec (Obrasci 2. i 3. nalaze se u prilogu ovog pravilnika i čine njegov sastavni dio).

Član 29.

Vlasnik ili korisnik registrovanog objekta, odnosno pravno ili fizičko lice na koje se odnosi obavljeni veterinarsko-zdravstveni pregled i kontrola, dužna je platiti ispostavljene račune od strane nadležnog veterinarskog inspektora i veterinara iz veterinarske organizacije najkasnije u roku od 15 dana od dana prijema računa (obrazac 1. i 2.).

U slučajevima da vlasnik ili korisnik objekta, odnosno pravno ili fizičko lice ne izvrši svoje obaveze u roku iz stava 1. ovog člana obustavit će se vršenje veterinarsko-zdravstvenih pregleda i kontrola, a registovani objekat će snositi sve zakonske posljedice proistekle iz prestanka obavljanja veterinarsko-zdravstvenog pregleda i kontrola.

V -ŠTAMPANJE I DISTRIBUCIJA OBRAZACA

Član 30.

U cilju sprječavanja zloupotrebe obrazaca koji se primjenjuju u unutrašnjem prometu propisanih Odlukom o veterinarskoj svjedodžbi o zdravstvenom stanju životinja pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03, 14/04 i 35/05) i radi kontrole izdavanja istih, štampanje obrazaca dokumenata obavlja se isključivo u ovlaštenoj štampariji i samo po nalogu Federalnog ministarstva. Distribuciju blokova obrazaca iz stava 1. ovog člana obavlja ovlaštena štamparija i to na osnovu naloga Federalnog ministarstva uz prateću otpremnicu. U otpremnici se obavezno navodi kojoj se ovlaštenoj veterinarskoj organizaciji uvezani obrasci dokumenata dostavljaju, naznačuju se serije blokova i redni brojevi obrazaca. Po jedan primjerak otpremnice štamparija dostavlja: ovlaštenoj veterinarskoj organizaciji, nadležnoj kantonalnoj veterinarskoj inspekciji i Federalnom ministarstvu, a jedan primjerak ostaje štampariji. O primljenim i izdatim blokovima obrazaca, ovlaštena veterinarska organizacija vodi evidenciju koja mora biti ostraničena i ovjerena od strane uprave ovlaštene veterinarske organizacije i ista treba da sadrži sve elementa predviđene u Obrascu br. 5. koji se nalazi u prilogu ovog pravilnika i čini njegov sastavni dio. Neispunjeni blokovi obrazaca dokumenata čuvaju se zaključani i pristup je omogućen samo odgovornim licima.

VI -NADZOR

Član 31.

Nadzor nad provođenjem ovog pravilnika vrši Federalno ministarstvo i Federalna uprava za inspeksijske poslove, svako u okviru svojih nadležnosti.

VII -PRIJELAZNE I ZAVRŠNE ODREDBE

Član 32.

Sastavni dio ovog pravilnika su obrasci koji se nalaze u prilogu i to:

- obrazac 1. -obračun i nalog za plaćanje naknade za obavljene veterinarsko-zdravstvene preglede i kontrole;
- obrazac 2. -račun priznanica;
- obrazac 3. -mjesečni obračun iznosa naknada za obavljene veterinarsko-zdravstvene preglede i kontrole za veterinarske organizacije;
- obrazac 4. -mjesečni obračun iznosa naknada za obavljene veterinarsko-zdravstvene preglede i kontrole za veterinarsku inspekciju;
- obrazac 5. -evidencija o primljenim i izdanim blokovima obrazaca dokumenata.

Član 33.

Danom stupanja na snagu ovog pravilnika prestaje da važi Pravilnik o visini naknade i načinu raspodjele sredstava za obavljene veterinarsko-zdravstvene preglede i kontrolu ("Službene novine Federacije BiH", br. 18/09, 57/09, 66/09, 5/10 i 28/10).

Član 34.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 06-24/1-1346-2/11 4. augusta 2011. godine
Ministar Sarajevo **Jerko Ivanković-Lijanović**,s.r.